

**ZAPISNIK SA 11.VANREDNE SJEDNICE UO SAMOSTALNOG SINDIKATA
RADNIKA U BHRT-u, U MANDATU 2019-2023,
KOJA JE ODRŽANA U PONEĐJELJAK 13.12.2021. GODINE**

Prisutni: Mubera Herac; Nihad Arnautović; Elvis Čengić; Mustafa Baručija; Ekrem Agić; Mensud Grbo; Edis Fočo; Džemal Kahrica; Josip Sogović; Neda Tadić; Damir Smital; Sadin Kavazović; Armin Salihagić; Merima Kurtović Pašalić; Rifat Kukić; Samir Gadžo; Omer Bukić

Gosti: Belmin Karamhedović, Dženita Jusufbegović

Dnevni red:

1. Aktualna situacija u BHRT-u

AD 1. 10.12.2021.godine je održan sastanak sa generalnim direktorom Belminom Karamehmedovićem i pomoćnicom direktora za razvoj Dženitom Jusufbegović kojem su ispred rukovodstva sindikata prisustvovali Damir Smital i Džemal Kahrica. Predstavnici sindikata su menadžmentu iznijeli zabrinutost i ogorčenje radnika BHRT-a na novonastalu situaciju.

Menadžment je informisao sindikat da je produžen ugovor sa Elektroprivredom BiH o naplati RTV takse, na dvije godine i potvrdio je da su svi računi BHRT-a blokirani od strane porezne uprave FBiH i da zbog toga trenutno nisu moguće bilo kakve isplate. Iznijeli su da su poduzeli sve korake da se deblokiraju računi i da postoji mogućnost deblokada računa u toku iduće sedmice, te samim tim i isplate pripadajućih naknada radnicima (plata i topli obrok). Obzirom da je obrazloženje bilo jako opširno, D.Smital je tražio od direktora da prisustvuje sjednici UO sindikata i iznese članovima sve informacije.

D.Smital je na tom sastanku postavio upit o terenu odnosno o uslovima na radu na terenu od 01.12.2021. godine o čemu ga je izvjestio J. Sogović. I direktor i pomoćnica za razvoj su istog stava da je u takvim uslovima nedopustvo raditi i da u takvim slučajevima se moraju hitno obavjestiti kako bi se dale upute da se ekipa vrati sa terena. J.Sogović je informisao UO da je protekli vikend ekipa bila na terenu sa nalogom i bez dnevnica. Zbog kontaktiranja sindikata(D.Smitala) i pomoćnice za razvoj u vezi loših uslova na terenu J.Sogović je kritikovan od strane kolega iz sportske redakcije. E.Čengić je istakao da J.Sogović ima pravo kao i svi obavjestiti nadređene osobe kada su njihovi životi i zdravlje u pitanju, a samim tim što je i predstavnik snimatelja u sindikatu. Kada je u pitanju službeni put bez dnevnica što je eviidentirano za vikend a zbog blokade računa BHRT-a, dobio je veliki broj upita od članova šta da se radi u tom slučaju i zbog toga je E.Čengić predložio da se u narednom periodu donese zaključak UO kojim će se definisati i samim tim dati upute članovima sindikata u slučaju ponovne organizacije službenog puta bez isplaćenih dnevnica.

Dž.Jusufbegović je sve ponovila na sastanku UO i istakla da je svako dužan da je obavijesti u slučaju loših uslova na terenu i uslova opasnih za život radnika. B.Karahmedović je ponovio da ukoliko se ponove onakvi uslovi na terenu, neće se raditi prijenos.

Generalni direktor je istakao da je od četvrtka 02.12.blokiran račun od strane Poreske uprave FBiH. Proteklih desetak dana radi se intenzivno na deblokiranju računa, a dug je nastao jer BHRT ne može da ostvari zakonsko pravo naplate takse iz RS-a i trenutno je taj dug RTRS-a prema BHRT-u preko 54 miliona maraka. Sve tužbe su bile na sudu BIH i u proteklom periodu su sve tužbe prebačene u nadležnost RS-a istakao je generalni direktor. Menadžment je bio na tri rasprave u Banjaluci po pitanju svih tužbi prema RTRS-u.

Prošle sedmice su upućene žalbe Poreskoj upravi i Ministarstvu finansija FBiH.

U četvrtak je sjednica UO BHRT-a i UO Sistema na kojem će biti iznijeta cijela situacija u kojoj se BHRT trenutno nalazi.

Poslano je pismo svim ambasadama u državi, SAD-a, OSCE-u, itd. EBU je uputio pismo Vladi Federacije sa upitom o situaciji u kojoj se BHRT nalazi.

BHRT se nalazi u najtežoj situaciji do sada istakao je generalni direktor.

R.Kukić je predložio da se napravi cjelodnevni program u koji će se pozvati sve relevantne osobe iz političkog, javnog ali i vjerskog života kako bi se prezentovalo javnosti da je BHRT jedan od stubova države.

S.Kavazović je istakao da je PEP pod stalnim pritiskom i da će preko 140 uređaja biti ugašeno do Nove godine i samim tim ostajemo bez predajnika, bez repetitora. Ljudi u PEP-u su s pravom zabrinuti za svoju egzistenciju.

Generalni direktor je potvrdio sve u vezi gašenja uređaja na predajnicima i menadžment je poslao prijedlog rješenja RAK-u, po pitanju digitalizacije na koji još uvijek nije dobijen odgovor. Vijeće ministara treba da raspiše tender za drugu fazu digitalizacije čime bi se rješila pokrivenost digitalnim signalom cijele države. Generalni direktor je podržao da se i pitanje predajnika problematizuje.

R.Kukić je istakao da analogne repetitore moramo sačuvati i ostaviti „u pričuvi“.

Generalni direktor će prenijeti ovaj prijedlog o cjelodnevnom programu direktoru televizije i radija. N.Tadić je predložila da se jedan dan cijeli dnevnik posveti BHRT-u potpuno ignorirajući političku scenu u državi. To bi bio jedan radikalni potez informativnog programa ali za našu kuću. Dž.Kahrica je istakao da, ako je ovo konstruktivan i dobar prijedlog, da se reaguje što prije i napravi program BHRT-a i ako treba da se uključi sindikat u sve to. Nakon kraće rasprave u kojoj su učestvovali R.Kukić, N.Arnautović, N.Tadić i M.Kurtović Pašalić, generalni direktor je rekao da će na kolegiju predložiti program o trenutnoj situaciji u našoj kući i zamolio da sindikta delegira ljude koji bi učestvovali u programskom kolegiju po ovom pitanju.

D.Smital se zahvalio generalnom direktoru i pomoćnici za razvoj na dolasku s nadom da će se ovaj naš zajednički problem riješiti u što bržem roku.

Nakon kraće rasprave, D.Smital je predložio da ispred sindikata, u kolegiju za cjelodnevni program budu N.Tadić, R.Kukić i M.Kurtović Pašalić. Ovaj prijedlog je jednoglasno usvojen.

D.Smital je istakao da je zakonska opcija koju sindikat ima štrajk. Mišljenja je da treba precizno definisati sve korake i kakvo je samo raspoloženje unutar člansva o štrajku.

Štrajk nije jednostavno organizovati u skladu sa zakonom rekao je D.Smital i predložio da se obave konsultacije sa članstvom dali su uopšte ljudi za štrajk. Predsjednik će poslati svim članovima UO sindikata minimum procesa rada, izvod iz zakona o radu koji se bavi štrajkom kao i zakon o štrajku. Sindikat ukoliko proglasi štrajk, radi se po minimumu procesa rada. Sa svim tim informacijama, D.Smital je zamolio sve prisutne da se informišu članovi sindikata o svemu ovome nakon čega bi sindikat organizovao javnu tribinu za sve članove na kojem bi se informisali o svim njihovim pravima za vrijeme štrajka.

E.Čengić je predložio da se organizuje protest upozorenja što je prije moguće, jer nema plate. Na ovom protestu bi, kako je rekao, sindikat informisao javnost o trenutnoj situaciji, plaćama i svim problemima u kojim se nalaze radnici BHRT-a

Dž.Kahrica je ponovio da se nalazimo u jako lošoj situaciji i da treba sindikat reagovati i podržao je prijedlog u vezi programa, ali da se ne prave propusti kao sa prijedlogom o nagradnoj igri koju su kolege iz BH Pošta imali i nikada se nije ni realizovala.

Nakon duže rasprave u kojoj su učestvovali D.Smital, Dž.Kahrica, N.Tadić, R.Kukić, N.Arnautović, UO sindikata je jednoglasno usvojio da se organizuje protest upozorenja. UO je sa 11 glasova za usvojio prijedlog E.Čengića da se protest upozorenja organizuje u srijedu, 15.12.2021.godine u 10.30.sati na prvom spratu RTV Doma. N.Tadić i M.Kurtović Pašalić će pripremiti tekst saopštenja u vezi protesta.

E.Čengić će u skladu sa zakonom obavjestiti menadžment, MUP Novi grad i Službu obezbjeđenja. Izvršni sekretar će poslati dopis za razglas kao i poziv svim medijima i informaciju o protestu svim institucijama u državi. Dogovoreno je da se ukoliko je potrebno izdvoje sredstva iz blagajne za organizaciju protesta.

Dž.Kahrica je informisao UO da je kontaktirao Hills u vezi priredbe za paketiće i da kako je on istakao još uvijek nemaju raspored priredbi za ovu godinu. Dobio je ponudu za paketiće u iznosu od 25KM. Nakon što je Dž.Kahrica pročitao spisak sadržaja ponuđenog paketića i nakon kraće rasprave, R.Kukić je predložio da se obezbjede poklon bonovi Konzuma. UO je jednoglasno usvojio prijedlog da se za svako dijete člana sindikata izdvoji po 30KM za kupovinu poklon bona Konzuma koji će se preko povjernika podjeliti članovima sindikata. Za realizaciju i kupovinu poklon bonova je zadužen Dž.Kahrica.

D.Smital je izvjestio da je dobio 3 ponude za kupovinu kalendara i da će u narednom periodu kontaktirati ponuđača kako bi se naručilo 50 kalendara za prostorije u RTV Domu.

Izvršni sekretar
SAMOSTALNOG SINDIKATA
RADNIKA U BHRT-u
Elvis Čengić

Predsjednik
SAMOSTALNOG SINDIKATA
RADNIKA U BHRT-u
Damir Smital